

M125: Kräuterbuch, Innsbrucker Fassung

- 78v,1 [isôpe] ist guot krût . obe diu geburt stirbet in deme wîbe . trinke iz
78v,2 mit warmen wazzer sô vert iz vone ire . er ist guot vüre den stecken
78v,3 unde hilfet ouch den den der mage swiret . bibinella ist guot zuo allen
78v,4 arbeiten des herzen . der si mit ezziche siudet . unde si sô niuzet .
78v,5 gentiana unde diu hemere gesotenu mit ezziche . ist guot den tobentigen .
78v,6 steinvarm genozzen mit brôte ist den guot den lanke wê
78v,7 tuont . schellewurze soc ist guot den tunkelen ougen . obe si getemperet
78v,8 wirdet mit wîne unde mit oleo unde mit wîzem ingewer . bîbôz
78v,9 ist guot ze deme wagenten zane . ist dem wîbe ze diu guot . dâ si dâ geniset
.
78v,10 bint ir ez ûf den bûch . si geniset sâ ze stunte . nim iz abe schiere
78v,11 daz daz inæder iuht nâch gê . senef genûwen mit honige . gemischet .
78v,12 ist guot ze der ûz gebliuhten hiute . minze ist guot vüre di gelust
78v,13 des huores . eboum ist guot vüre den troufen ob er daz soc trinket .
78v,14 epfich ist guot den zornigen liuten . und den den der bûch wê tuot
78v,15 ob er in trinket in deme bade . hûswurze soc ist guot den der übele
78v,16 gehoeret tropfet im iz in daz ôre mische iz mit hüenersmalze .
78v,17 daz galgan ist warmer natûre . iz döuwet . unde loeset . machet
78v,18 den munt vile süeze stinkente . unde bringet den man . unde daz
78v,19 wîp . ze michelen minnen . zitwar ist alsam . warm daz iz sterket
78v,20 den magen . ze dem ezzene . unde ist guot . vüre di heckunge der
eiterwürme .
78v,21 ist guot vüre dei wîp . daz ingewer ist ouch warmer naturae .
78v,22 ist guot joch alten wîben . unde alten liuten . iz swendet allen den
siechtuom
78v,23 ist ouch guot vüre den zandeswern . berhtram ist guot . vüre daz rotz

79r,1 iz swendet daz unde anderen siechtuom des mundes . unde der kelen
79r,2 nux muscata ist warmer naturae si sterket den mennischen .
79r,3 machet süezez küssen si ist guot vüre den siechtuom der lebere und des
milzes .
79r,4 paeonia ist guot vüre ze bringen den wîben ire naturae bluot si dwinget
79r,5 unde ist guot vüre di giht . unde vüre die swellunge des lîbes . liquaritia
79r,6 ist guot vüre di huosten . unde vüre den brustsweren .